

鐵嶺縣續志卷十

災異志

土匪之亂

事變以還不逞之徒乘機四起結夥成羣打家劫舍大股或數千人或數百人小亦數十人其尤著者東北東南由開原清源竄入本境之股匪綁票勒贖時有所聞即城內之人亦有被綁者大同元年一月七日夜間土匪數百人突然入城劫放監獄人犯二百餘人監房爲之一空六日之間並無一囚並燒燬房屋七間呼嘯而去伊時城內警隊人少力不能抗四鄉之受禍最甚者首爲大甸子催陣堡李千戶屯三岔子等村佔據村鎮盤踞至數月之久人民紛紛來城避難儲屋而居城內房金爲之驟增人心思亂挺而走險奸燒殺掠爲所欲爲鐵嶺大小四百村無一村匪跡不到者城內亦岌岌可危朝不慮夕日日戒嚴幸賴當局籌劃有方悉心防守卒得保全偵捕四出日無停晷本城因勦匪陣亡警隊員兵計十八人詳見忠節志嗣因請調客隊並日本人相助指揮始得次第削平直至大同二年全境肅清人民完全復業

時疫

大同元年夏季時疫流行死者不少當局爲預防起見飭警沿戶令其清潔或用藥爲之消毒幸未猖獗而至蔓延

天花

大同二年冬季突由省城傳來天花無論男女老幼染者立死當局委

託福壽醫院假教育會爲人民施種牛痘又紅卍字會及施醫院亦施
種牛痘